

Sindicatonan y Gobierno un biaha mas no yega na un acuerdo

Diahuebs lo reuni atrobe



ORANJESTAD(AAN):
Dialuna tardi sindicatonan
den union encabeza pa
Presidente di SEPPA Magali
Brito a reuni cu Minister di
Finanzas un biaha mas, pa
purba yega na un solucion pa
loke ta trata e problema cu tin
riba indexing.
E reunion a cuminsa 2'or di
atardi y a caba alrededor di
4:45'or.

Segun Sra Brito e
sindicatonan a trece nan
proposicion Social na mesa
di acuerdo cu e propio
pensamentonan di Gobierno
cu semper a bisa cu e
proposicion di 3.1 di
aumento di indexing den
salario solamente lo faborece
e grandinan y no e
chikitonan, caminda cu e
sindicatonan a muestra cu na
ta keda para riba e 3.1, pero

teniendo cuenta cu e canasta
basico cu ta papia di por lo
menos un salario di 3.010 pa
luna.

Segun Brito si bo calcule bo
ta yega na un suma fiho pa
tur persona, unda cu mester
ta asina cu a base di e suma
ey e aumento di costo di bida
ta pa tur hende.

Gobierno a tuma e
proposicion y a bay haci su
calculacionnan, y ora cu el a
bin back el a splica cu tin
aun algun detaye cu mester
worde studia, entre otro
calculacionnan fiho, pero

tambe e tin cu wak si e
proposicion aki dentro di
henter e systema di sector
publico pa loke ta e sistema
di computer, si e formula cu
tin lo bay sali bon.

Segun Presidente di SEPPA
a yega na un entendimento cu
e sindicatonan lo reuni back
cu Gobierno 2'or di atardi
riba Diahuebs.

Pues na prome instancia e
sindicatonan lo mester a bay
corte ayera tardi, sinembargo
nan abogadoan y esnan di
Gobierno a informa huez di e
desaroyonan, unda cu no
tabata necesario pa bay corte,
sinembargo si nan no yega na
un acuerdo Diahuebs, nan lo
bay corte Diabierna.


A puntra sra Brito di con a
bay di acuerdo pa warda te cu
Diahuebs pa reuni cu
Gobierno, unda cu Brito a
splica cu Gobierno a pidi e
espacio necesario pa esnan
cu tin cu haci e
calculacionnan tin suficiente
tempo pa haci esaki
debidamente.



Tambe Presidente di SEPPA
a bisa cu e tabata contento cu
presencia di Minister
Briesen, kende segun Brito
tin hopi habilidad di

compronde cifra, unda cu el a
mustra di a compronde e
proposicion di e sindicatonan
hopi bon, cu a facilita e
discusion.

KEN TA MENASA KEN!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Radio, C.D.,

Cassette

Afl. 85,=

TELEFONNAN DI DIARIO

582-6747 - FAX 582-8551